

შესყიდვის ობიექტი:

შესყიდვის ობიექტია - თანადაფინანსების გრანტები სტარტაპებისათვის პროგრამის ორი რაუნდის (მე-12 და მე-13 რაუნდები) ფარგლებში ბიზნეს იდეის შეფასებების ეტაპის შედეგად გადარჩეული 150 განაცხადის შეფასება (ორი რაუნდის ფარგლებში ჯამში 300 განაცხადი), ფინალისტი განაცხადების გამოვლენა და ხუთდღიანი ტრენინგი ფინალისტი განმცხადებლებისთვის. ასევე, არანაკლებ 2 საინფორმაციო დღის ორგანიზება უარყოფილი 100 განმცხადებლისთვის (შესაფასებელი განაცხადების მიწოდებას განახორციელებს სააგენტო გრანტების პორტალის მეშვეობით).

ტექნიკური მახასიათებლები

საკონსულტაციო კომპანიამ უნდა უზრუნველყოს შემდეგი სამუშაოს შესრულება:

განაცხადების შუალედური ხარისხობრივი შეფასება

პროგრამის თითოეული რაუნდისთვის:

ა) კომპანიამ უნდა შეაფასოს სააგენტოს მიერ მიწოდებული 150 განაცხადი. თითოეული განაცხადი უნდა შეფასდეს მინიმუმ ორი ექსპერტის მიერ;

ბ) კომპანიამ უნდა დაარეგისტრიროს შემფასებელი ექსპერტები სააგენტოს გრანტების პორტალზე და თითოეულზე უნდა მიუთითოს მათი ექსპერტიზის მიმართულებები (ინდუსტრიები). ასევე, კომპანიამ გრანტების პორტალზე თითოეულ განაცხადს უნდა მიაბას შესაბამისი ექსპერტი. თითოეული განაცხადი უნდა შეფასდეს მინიმუმ ორი ექსპერტის მიერ და მესამე ექსპერტის შეფასებაში ჩართვა უნდა მოხდეს იმ შემთხვევაში, თუ თავდაპირველად განაცხადის შეფასებისთვის შერჩეულმა ორმა ექსპერტმა ვერ მიაღწია შეთანხმებას განაცხადის საერთო ქულებზე და კომენტარებზე.

გ) კომპანიამ უნდა შეაფასოს თითოეული განაცხადი თანადაფინანსების გრანტების სახელმძღვანელოს შესაბამისად და თითოეულმა ექსპერტმა უნდა შეასრულოს შემდეგი აქტივობები:

1. შეაფასოს აპლიკანტის განაცხადი შესაბამის დოკუმენტებთან ერთად (ბიზნეს-გეგმა, ბიუჯეტი, ხუთწლიანი ფინანსური პროგნოზი და სხვა დოკუმენტი (ასეთის არსებობის შემთხვევაში). თითოეული განაცხადი ფასდება იმ კრიტერიუმების შესაბამისად, რომელიც განსაზღვრულია თანადაფინანსების გრანტების სახელმძღვანელოში (იხილეთ შეფასების კრიტერიუმები დანართის სახით);
2. გრანტების პორტალზე განაცხადის შეფასების შემდგომ, ექსპერტებმა თითოეულ აპლიკანტთან უნდა უზრუნველყონ 15 წუთამდე ხანგრძლივობის ინტერვიუს

(ონლაინ) ჩატარება. ინტერვიუს შეფასების შედეგები ცალკე აისახება გრანტების პორტალზე ექსპერტების მიერ.

3. თითოეული შეფასების კრიტერიუმზე ქულის მინიჭებასთან ერთად გრანტების პორტალზე ასახოს კომენტარები და დასაბუთება, რომელიც გაამყარებს მინიჭებულ ქულებს, როგორც განაცხადის შეფასების ნაწილში, ასევე ინტერვიუების ნაწილში.
4. კომპანიამ უნდა უზრუნველყოს არანაკლებ 2 ან აუცილებლობის შემთხვევაში 3 საინფორმაციო დღის ორგანიზება უარყოფილი არაუმეტეს 100 განმცხადებლისთვის (თითოეული ღონისძიებისთვის პრეზენტაციის ხანგრძლივობა არაუმეტეს 30 წუთი, ხოლო კითხვა პასუხის რეჟიმი მინიმუმ 90 წუთი. ერთ საინფორმაციო დღეზე დამსწრე უარყოფილი აპლიკანტების რეკომენდებული რაოდენობაა 20 აპლიკანტი).
5. სააგენტოს კითხვების შემთხვევაში, წარმოადგინოს დამატებითი განმარტებები და პასუხები განაცხადის შეფასებასთან დაკავშირებით.
6. სააგენტოს წარუდგინოს წინასწარ შერჩეული უმაღლესი ქულების მქონე განმცხადებლების სია (50 განაცხადი). იმ შემთხვევაში, თუ რეიტინგში 50-ე განაცხადს და შემდგომ განაცხადს/განაცხადებს ექნებათ თანაბარი ქულები, ფინალურ ეტაპზე გადადის აღნიშნული თანაბარი ქულების მქონე ყველა განაცხადი;
7. კომპანიამ უნდა უზრუნველყოს ფინალისტი აპლიკანტებისთვის არანაკლებ 5 დღის ხანგრძლივობის ტრენინგის ჩატარება შემდეგი მოთხოვნების გათვალისწინებით:

- კომპანიამ უნდა შეიმუშავოს ხარისხიანი პროგრამა/მეთოდოლოგია ყველა დამხმარე მასალის ჩათვლით პროგრამის ფინალურ ეტაპზე გადასული აპლიკანტებისთვის (50 გუნდი - დაახლოებით 80 პირი). ტრენინგის ფარგლებში აპლიკანტები უნდა მოემზადონ იმ ტიპური კითხვების საპასუხოდ, რომელსაც სვამენ სიდ ან პრე-სიდ რაუნდის ინვესტორები.
- კომპანიამ უნდა წარმოადგინოს (ტრენინგის დაწყებამდე არაუგვიანეს 20 კალენდარული დღით ადრე) ტრენინგის პროგრამა (მოდული), რომელიც განაწილებული იქნება მინიმუმ 5 სამუშაო დღეზე და მისი ხანგრძლივობა უნდა იყოს არანაკლებ 30 საკონტაქტო საათი.
- პროგრამის ფინალისტი აპლიკანტებისთვის (50 გუნდი) სატრენინგო და საკონსულტაციო მომსახურების გაწევა, რათა აპლიკანტები მოამზადონ საინვესტიციო კომიტეტთან პრეზენტაციისთვის. ტრენინგის პროცესი უნდა დაეხმაროს აპლიკანტებს პროდუქტზე ორიენტირებული მიდგომის მომხმარებელზე ორიენტირებულ მიდგომაზე ტრანსფორმაციაში;
- მოწვეული ტრენერები უნდა გაეცნონ ფინალისტი აპლიკანტების ბიზნეს-გეგმებს, ასევე გაითვალისწინონ შეფასება, კომენტარები და რეკომენდაციები, რომლებიც შედგენილია შუალედური ექსპერტების მიერ და ინდივიდუალურად გაიარონ კონსულტაცია თითოეულ ფინალისტ აპლიკანტთან, რათა დაეხმარონ მათ მოემზადონ პრეზენტაციისთვის და ასევე, უზრუნველყონ მხარდაჭერა პრეზენტაციების მომზადებაში;

- საჭიროების შემთხვევაში, მიაწოდონ ტრენინგის მსმენელებს დამატებითი ინფორმაცია, რჩევები და მინიშნებები სხვა დამატებით წყაროებზე მათი საქმიანობის სპეციფიკის გათვალისწინებით;
- შეაფასონ თითოეული აპლიკანტის პროდუქტის გლობალური მასშტაბირების პოტენციალი და უზრუნველყონ საჭირო რეკომენდაციების მიწოდება;

ტრენინგის დღის წესრიგის და მასალების გაგზავნა ინოვაციებისა და ტექნოლოგიების სააგენტოში უნდა მოხდეს ტრენინგის დაწყებამდე არანაკლებ 3 სამუშაო დღით ადრე.

სატრენინგო სივრცეებს უზრუნველყოფს სააგენტო თბილისის ტექნოპარკის შენობაში.

კომპანია პასუხისმგებელია, რომ თითოეულ ექსპერტი დაიცავს პატიოსნების უმაღლეს პრინციპებს და ხელმოწერით დაადასტურებს მის მიუკერძოებლობას და კონფიდენციალურობის დაცვას.

კომპანიის შეთავაზება უნდა ითვალისწინებდეს ხარისხის კონტროლის მენეჯერის პოზიციას, რომელიც უზრუნველყოფს ექსპერტების მიერ გაკეთებული შეფასებების გადამოწმებას ხარისხის და რელევანტურობის კუთხით. ხარისხის კონტროლის მენეჯერი უნდა იყოს შემფასებელი ექსპერტისგან განსხვავებული პირი.

სამუშაოს შესრულების გრაფიკი, ადგილი და ხანგრძლივობა

მომსახურების გაწევის ვადაა: ხელშეკრულების ძალაში შესვლიდან არაუგვიანეს 2024 წლის 01 დეკემბერი. აპლიკაციების შეფასების პროცესი თითოეული რაუნდისთვის უნდა ჩაეტეოს 35 კალენდარულ დღეში. მე-12 რაუნდის ფარგლებში აპლიკაციების შეფასების დაწყება მოსალოდნელია 2024 აპრილის თვეში, ხოლო ტრენინგის დაწყება მაისის თვეში. მე-13 რაუნდის კონკურსისთვის, აპლიკაციების შეფასების დაწყება მოსალოდნელია 2024 აგვისტოს ბოლოს, ხოლო ტრენინგის დაწყება ოქტომბრის თვეში.

ამოცანა	აქტივობა	ხანგრძლივობა (დღეებში)	სამუშაოს შესრულების დრო და ადგილი
1. შუალედური შეფასება პროგრამის - თანადაფინანსების გრანტები სტარტაპებისთვის მე-12 რაუნდის ფარგლებში	1.1 განაცხადების შეფასება (Peer Review). (150 განაცხადი უნდა შეფასდეს პროგრამის - თანადაფინანსების გრანტები სტარტაპებისათვის მე-12 რაუნდში) 1.2 შეფასების ანგარიში/გრანტების პორტალზე (https://grants.gov.ge) ატვირთილი ქულები და კომენტარები	35 დღე	დისტანციურად 12.04.2024- 16.05.2024
2. ფინალისტი აპლიკანტების ტრენინგი პროგრამის - თანადაფინანსების გრანტები სტარტაპებისთვის მე-12 რაუნდის ფარგლებში	1.1 საგრანტო პროგრამის 50 ფინალისტი აპლიკანტის ტრენინგი 5 სამუშაო დღის განმავლობაში (ჯამური ხანგრძლივობა არანაკლებ 30 საათი).	5 დღე	თბილისის ტექნოპარკი - თბილისი, ოქროყანა, ინოვაციების ქუჩა #7 22.05.2024- 26.05.2024
3. უარყოფილი აპლიკანტებისთვის საინფორმაციო დღის ორგანიზება - თანადაფინანსების გრანტები სტარტაპებისთვის მე-12 რაუნდის ფარგლებში	1.1 2 ან 3 საინფორმაციო დღის ორგანიზება უარყოფილი არაუმეტეს 100 განმცხადებლისთვის.		დისტანციურად ან თბილისის ტექნოპარკში. შემფასებელი კომპანიის შემოთავაზების შესაბამისად 16.05.2024- 07.06.2024
4. შუალედური შეფასება პროგრამის - თანადაფინანსების გრანტები სტარტაპებისთვის მე-13 რაუნდის ფარგლებში	1.1 განაცხადების შეფასება (Peer Review). (150 განაცხადი უნდა შეფასდეს პროგრამის - თანადაფინანსების გრანტები სტარტაპებისათვის მე-13 რაუნდში) 1.2 შეფასების ანგარიში/გრანტების პორტალზე (https://grants.gov.ge) ატვირთილი ქულები და კომენტარები	35 დღე	დისტანციურად 30.08.2024- 04.10.2024

5. ფინალისტი აპლიკანტების ტრენინგი პროგრამის - თანადაფინანსების გრანტები სტარტაპებისთვის მე-13 რაუნდის ფარგლებში	1.1 საგრანტო პროგრამის 50 ფინალისტი აპლიკანტის ტრენინგი 5 სამუშაო დღის განმავლობაში (ჯამური ხანგრძლივობა არანაკლებ 30 საათი).	5 დღე	თბილისის ტექნოპარკი - თბილისი, ოქროყანა, ინოვაციების ქუჩა #7 08.10.2024-12.10.2024
6. უარყოფილი აპლიკანტებისთვის საინფორმაციო დღის ორგანიზება - თანადაფინანსების გრანტები სტარტაპებისთვის მე-13 რაუნდის ფარგლებში	1.1 არანაკლებ 2 საინფორმაციო დღის ორგანიზება უარყოფილი არაუმეტეს 100 განმცხადებლისთვის.		დისტანციურად ან თბილისის ტექნოპარკში. შემფასებელი კომპანიის შემოთავაზების შესაბამისად 04.10.2024-30.10.2024

მოთხოვნები ანგარიშგებასთან დაკავშირებით

ყველა კომუნიკაცია სააგენტოსთან, ასევე დოკუმენტები და კონტრაქტის შესრულებასთან დაკავშირებული ანგარიშები უნდა იყოს ინგლისურ ენაზე.

ანგარიშების წარდგენის ვადები

ანგარიში	წარდგენის თარიღი	ანგარიშის ენა და წარდგენის ფორმატი
წინასწარი შეფასების ანგარიში: საერთო შეფასების ცხრილები, ინტერვიუების ვიდეოჩანაწერები და 150 აპლიკანტის რეიტინგული სია (მოიცავს როგორც განაცხადის შეფასების შედეგებს, ასევე ინტერვიუს	შეფასების ეტაპის დასრულების შემდეგ პირველივე სამუშაო დღეს - პროგრამის თითოეული რაუნდისთვის	ინგლისური, ელექტრონული სახით - შეფასების ქულები და კომენტარები გრანტების პორტალის მეშვეობით ინტერვიუების ვიდეოჩანაწერები ელ.

შეფასების შედეგებს).		ფოსტით/დრაივით
ტრენინგის ანგარიში (ტრენერები; განხორციელებული აქტივობები; ტრენინგის მასალები; რეკომენდაციები)	ტრენინგის დასრულების შემდეგ 3 სამუშაო დღის ვადაში	ინგლისური, ელექტრონული სახით
უარყოფილი 100-ამდე აპლიკანტისთვის ჩატარებული საინფორმაციო დღის ანგარიში	საინფორმაციო დღეების დასრულებიდან არაუგვიანეს 3 სამუშაო დღის ვადაში	ინგლისური, ელექტრონული სახით

მოთხოვნები კომპანიის მიმართ:

1. კომპანიას უნდა ქონდეს მინიმუმ 5 წლიანი გამოცდილება განვითარებული ქვეყნების (აშშ, ევროპა, იაპონია ისრაელი) ტექნოლოგიებში, სტარტაპების შეფასებაში და საერთაშორისო დონის აქსელერაციის პროგრამების მართვაში. *მოცემულის დამადასტურებლად პრეტენდენტმა სატენდერო წინადადების წარდგენის დოკუმენტაციაში უნდა მიუთითოს ინფორმაცია რომელიც დაადასტურებს ზემოაღნიშნულს (ინტერნეტ-სივრციდან შესაბამისი ბმული ან/და კონტრაქტი და მისი შესრულების დამადასტურებელი დოკუმენტაცია).*
2. კომპანიას ან შემფასებელ ექსპერტებს (მინიმუმ 6) უნდა ქონდეს სტარტაპებში ინვესტირების გამოცდილება. კომპანიის შემთხვევაში, ინვესტირების გამოცდილების დამადასტურებელი ინფორმაციის გადამოწმება მარტივად უნდა იყოს შესაძლებელი ინტერნეტ სივრცეში, ხოლო ფიზიკური პირების შემთხვევაში, წარმოდგენილი უნდა იქნეს წერილობითი დადასტურება დაფინანსებული სტარტაპებიდან (ინვესტირებასთან დაკავშირებით).
3. კომპანიას უნდა ქონდეს საქართველოს მსგავს ქვეყანაში (მაგალითად, აღმოსავლეთ პარტნიორობის ქვეყნები ან/და ისეთი ქვეყნები, სადაც ინოვაციების ეკოსისტემა განვითარების საწყის ეტაპზეა) სტარტაპების შეფასების პროგრამების განხორციელების გამოცდილება. აღნიშნულთან დაკავშირებით პრეტენდენტმა უნდა წარმოადგინოს მინიმუმ ერთი კონტრაქტი და მისი შესრულების დამადასტურებელი დოკუმენტაცია (მაგალითად, მიღბა-ჩაბარების აქტი).

კომპანიამ უნდა წარმოადგინოს:

- შემფასებელი ექსპერტების სია (მინიმუმ 10 ექსპერტი), რომლებიც განაცხორციელებენ კონკურსში წარმოდგენილი განაცხადების შეფასებას შესაბამისი შეფასების კრიტერიუმების მიხედვით. ასევე, უზრუნველყოფენ ინტერვიუების ჩატარებას აპლიკანტებთან. თითოეულ ექსპერტს უნდა ქონდეს ის აუცილებელი გამოცდილება და უნარები რომელიც საჭიროა შესაბამისი მიმართულების განაცხადების შესაფასებლად.
- კომპანიამ ტრენერების/ქოუჩების სია (მინიმუმ 5 ქოუჩი), რომლებიც ჩაატარებენ მინიმუმ 5 დღის ხანგრძლივობის ტრენინგის სესიებს სააგენტოს უნდა შეუთანხმოს ტრენინგის დაწყებამდე მინიმუმ 10 კალენდარული დღით ადრე.

მოთხოვნები შემფასებელი ექსპერტების მიმართ:

1. წარმოდგენილი ექსპერტებიდან თითოეული უნდა იყოს მინიმუმ ერთი გლობალური სწრაფი ზრდის პოტენციალის მქონე სტარტაპის დამფუძნებელი ან ინვესტორი, ან მენტორი/ექსპერტი (დამადასტურებლად CV-ში უნდა იყოს მითითებული შესაბამისი სტარტაპის დასახელება და ინტერნეტ სივრცეში ადვილად უნდა იძებნებოდეს აღნიშნულის დამადასტურებელი ინფორმაცია. ინვესტირების ან მენტორინგის გამოცდილების შემთხვევაში, წარმოდგენილი უნდა იყოს შესაბამისი დასტურის წერილი სტარტაპისგან).
2. თითოეულ ექსპერტს უნდა ქონდეს გამოცდილება ქვემოთ მითითებული მიმართულებებიდან მინიმუმ 2 მიმართულებით მაინც:

- ✓ მექანიკური და სამოქალაქო ინჟინერია
- ✓ ენერგეტიკა, გარემო, მწვანე ტექნოლოგიები
- ✓ ბიოტექნოლოგიები, ჯანდაცვა და ფარმაცევტული ტექნოლოგიები
- ✓ გეიმინგი/ელ. სპორტი (გემბლინგის გარდა)
- ✓ ხელოვნება და მოდა
- ✓ სარეკლამო/მარკეტინგული ტექნოლოგიები
- ✓ კიბერ უსაფრთხოება
- ✓ ბუღალტერია/აუდიტი
- ✓ საჰაერო სივრცე/დრონები
- ✓ სოფლის მეურნეობა და კვების პროდუქტები
- ✓ აგრარული ტექნოლოგიები
- ✓ ხელოვნური ინტელექტი

- ✓ ქიმიური ინჟინერია და ნანოტექნოლოგიები
- ✓ კომპიუტერული ტექნიკა და ელექტრონიკა
- ✓ საკონსულტაციო და სხვა სერვისები
- ✓ სამომხმარებლო სერვისები
- ✓ მომხმარებლებთან ურთიერთობის მართვა
- ✓ ელ. კომერცია
- ✓ საწარმოო რესურსების მართვა (ERP)
- ✓ ღონისძიებები
- ✓ ფინტეკი
- ✓ კვება
- ✓ ჯანმრთელობა
- ✓ კადრების მართვა/განათლება
- ✓ ინდუსტრიული
- ✓ ლოგისტიკა
- ✓ პროფესიული სერვისები
- ✓ უძრავი ქონება
- ✓ საცალო გაყიდვები
- ✓ ავტომობილის გაზიარება/გაქირავება
- ✓ ჭკვიანი ქალაქები
- ✓ სოც. მედია
- ✓ ტრანსპორტი
- ✓ მოგზაურობა/ტურიზმი
- ✓ სამხედრო ტექნოლოგიები

3. თითოეულ ექსპერტს თავისუფლად უნდა შეეძლოს ინგლისურ ენაზე ვერბალური და წერიტი კომუნიკაცია.

მოთხოვნები ტრენერების/ქოუჩების მიმართ:

- თითოეულ ქოუჩს უნდა გააჩნდეს მინიმუმ 5 წლიანი საერთაშორისო გამოცდილება და ექსპერტიზა ტოპ მენეჯმენტში, ბიზნეს დეველოპმენტში, ინოვაციური სტარტაპების შეფასებაში/მენტორინგში ტექნოლოგიის კომერციალიზაციაში, ინოვაციური მასშტაბირებადი პროდუქტების მართვის და ინტერნაციონალიზაციის გამოცდილება.
- საერთაშორისო დონის აქსელერაციის პროგრამებში/ვენჩურულ ფონდებში/ენჯელ კლუბში ქოუჩად/მენტორად მუშაობის მინიმუმ 3 წლიანი გამოცდილება.
- თითოეულ ქოუჩს უნდა ქონდეს სტარტაპებში ინვესტირების გამოცდილება ან და წარმატებული სტარტაპის დაფუძნების გამოცდილება (აღნიშნულის გადამოწმება მარტივად უნდა იყოს შესაძლებელი ინტერნეტ სივრცეში).

წარმოსადგენი დოკუმენტაცია:

1. კომპანიის შეთვაზება, სადაც აღწერილი იქნება კომპანიის შესაბამისობა პროგრამის მოთხოვნებთან (გამოცდილება განვითარებული ქვეყნების ტექნოლოგიებში, სტარტაპების შეფასებაში და მსოფლიო დონის აქსელერაციის პროგრამების მართვაში, სტარტაპებში ინვესტირების გამოცდილების შესახებ ინფორმაცია, საქართველოს მსგავს ქვეყანაში სტარტაპების შეფასების გამოცდილების შესახებ ინფორმაცია); *მოცემულის დამადასტურებლად პრეტენდენტმა სატენდერო წინადადების წარდგენის დოკუმენტაციაში უნდა მიუთითოს ინფორმაცია რომელიც დაადასტურებს ზემოაღნიშნულს (ინტერნეტ-სივრციდან შესაბამისი ბმული ან/და კონტრაქტი და მისი შესრულების დამადასტურებელი დოკუმენტაცია).*
2. საქართველოს მსგავს ქვეყანაში სტარტაპების შეფასების გამოცდილების დამადასტურებელი ხელშეკრულება და მიღება-ჩაბარების აქტი (ან სხვა დამადასტურებელი დოკუმენტი);
3. მინიმუმ 10 შემფასებელი ექსპერტის CV (CV-ში უნდა იყოს მითითებული ექსპერტის მიერ დაფუძნებული სტარტაპების შესახებ ინფორმაცია ან იმ სტარტაპების შესახებ ინფორმაცია, რომელშიც ექსპერტს განხორციელებული აქვს ინვესტიცია ან იყო/არის მენტორი/ექსპერტი);
4. მინიმუმ 5 ტრენერის/ქოუჩის CV (წარმოდგენილი უნდა იქნეს დაკონტრაქტების შემდგომ - ტრენინგის დაწყებამდე 10 დღით ადრე).
5. ტრენინგის პროგრამა/მეთოდოლოგია ყველა დამხმარე მასალის ჩათვლით - ტრენინგის დაწყებამდე 10 დღით ადრე.